

**FOND ZA ZAŠTITU OKOLIŠA
FEDARCIJE BOSNE I HERCEGOVINE**

UPRAVNI ODBOR

Na osnovu člana 13. Statuta Fonda za zaštitu okoliša FBiH ("Službene novine Federacije BiH", broj: 33/06, 1/15 i 62/15), Upravni odbor Fonda za zaštitu okoliša Federacije BiH na 33.sjednici održanoj dana 01.07.2020.godine donosi:

O D L U K U

o poništenju Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2020. godinu - JK 2020/2

I

Poništava se javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2020. godinu - JK 2020/2 koji je objavljen u Službenim novinama Federacije BiH - Oglasni dio broj: 16/20, dnevni listovi: „Dnevni avaz“ i „Večernji list“ od 27.02.2020. godine, kao i na službenoj stranici Fonda: www.fzofbih.org.ba, i to na osnovu tačke II Odluke o proglašenju stanja nesreće uzrokovanog pojavom koronavirusa (COVID 19) na području Federacije BiH ("Službene novine Federacije BiH", broj: 21/20), te na osnovu člana 12. Zakona o ublažavanju negativnih ekonomskih posljedica ("Službene novine Federacije BiH", broj: 28/20).

II

Svi aplikanti (ovlaštena ili opunomoćena lica) imaju pravo doći u prostorije Fonda za zaštitu okoliša Federacije BiH po dokumentaciju kojom su se prijavili na Javni konkurs i koja će im biti vraćena. Rok za preuzimanje dokumentacije je 15 dana od dana donošenja ove Odluke.

III

Ova Odluka je konačna, te se protiv iste ne može izjaviti žalba.

IV

Ova Odluka stupa na snagu danom donošenja.

O b r a z l o ž e n j e

Dana 27.02.2020. godine Fond za zaštitu okoliša Federacije BiH (u daljem tekstu: Fond) objavio je Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2020. godinu - JK 2020/2 koji je objavljen u Službenim novinama Federacije BiH - Oglasni dio broj: 16/20, dnevnim listovima: „Dnevni avaz“ i „Večernji list“ od 27.02.2020. godine, kao i na službenoj stranici Fonda.

Međutim, donošenjem Odluke o proglašenju stanja nesreće uzrokovane pojavom koronavirusom (COVID 19) na području Federacije BiH ("Službene novine Federacije BiH", broj: 21/20), kojom je naloženo svim subjektima sa područja Federacije BiH da stave na raspolaganje sve raspoložive resurse, stekli su se uslovi za poništenje pomenutog Javnog konkursa. Također, shodno odredbi člana 12. Zakona o ublažavanju negativnih ekonomskih posljedica ("Službene novine Federacije BiH", broj: 28/20) propisi doneseni na nivou Federacije kojima je uređeno namjensko korištenje sredstava neće primjenjivati u periodu trajanja nesreće i 60 dana po prestanku nesreće, a Odluku o njihovoj prenamjeni donosi Vlada FBiH i ista se mogu koristiti isključivo za namjene saniranja zdravstvenih, socijalnih i ekonomskih posljedica proglašenja stanja nesreće.

Shodno navedenom, Fond do 30. jula 2020. godine ne može raspolagati namjenskim sredstvima dok Vlada FBiH ne donese odluku o prenamjeni sredstva. Tek nakon donošenja odluke o prenamjeni sredstava od strane Vlade FBiH, kao i procjene uticaja stanja nesreće na ostvarene prihode Fonda, moći će se procijeniti raspoloživi iznos za dodjelu sredstava putem novog Javnog konkursa.

Slijedom prednjeg, odlučeno je kao u dispozitivu ove Odluke.

**Predsjednik Upravnog odbora
Mr. Pero M. Goluža, dipl.ing.**

Broj: UO-01-3-11-33-1b/2020
Sarajevo, 01.07.2020. godine